

Матфеин 19 бөлг.

1. Иисус келжэсн үгэн төгсөһэд, Галилеяс һарад, Иордана талдан үзгт бээсн Иудеин нутгт ирв.
2. Терүнэ ардас оln эмтн дахж йовла, тенд Иисус тедниг эдгэв.
3. Терүнүр фарисеймуд өөрдэд, жилвтүлхэр седэд келцхэв: « Ямаран болвчн учрар залу күн гергнэсн салж чадхий? »
4. Иисус эднд келв : « Тадн умшсн угавт? Түрүлэд экнэс авн Үүдэч тедниг залу күн болн күүкд күн болтха гиж үүдэснь?»
5. Дэкн Иисус келв: «Тегэд күн эк-эцкэн үлдөһэд , эврәннь гергтөһөн ниилх зөвтэ. Эдн хойр нег бий цогц болх.
- 6.Эдн хойр цогц биш, нег цогц болх. Тегэд Бурхн эдниг ниилүлсн хөөн, күн бичэ салһтха.»
7. Эдн Иисусас сурв : « Яһад Моисей залу күн гергнэсн салхларн, салһна цаас авх зөв өгнө?»
8. Тер эднд келв : «Моисей таднд гергтөһөн салх зөв өгв, яһад гихлэ тадна зүркн хату болсн төлэд. Экнэс тиим биш билэ.
9. Болв Би таднд келжэнэв : кемр гергн залудан өгсн үгэн бэрв чигн, болв залунь терүнлэ салад талдан салж одсн герг авхла, тер эвдэч болжана.»
10. Терүнэ сурһульчнр Иисусд келцхэв : «Кемр тиим дашката юмн болхла, гер авлһн керго болх.»
11. Тер иигж теднд келв: «Зэрм эмтн эн үгин чинринь медхш, зуг кесгтнь эн үгин чинр медгднэ.»
12. Ясата залус тедн тиим бээдлтэ төрцхэнэ. Зэрм залу күүг эмтн ясгдсн кү кедг бээж. Бурхна Теңгрин орн-нутг церглһн -залу күүнэ эврэ шиидвр. Кен күн энүнэ чинрнь медэд, орулж авхла, тер күүнд медгтхэ.
13. Бичкдүдиг Терүнүр көтлэд ирв, Иисус бичкдүдт һаран күргж мөргв. Сурһульчнр бичкдүдиг Иисусур орулдго бээсмн.
14. Болв Иисус келв : «Бичкдүдиг Нанур тэвтн, тедниг Нанур ирхд бичэ харш

болтн, Бурхна Тенгрин Хаана орн-нутг- теднэ»

15. Иисус харан теднд күргэд харад йовж одв.

16. Нег күн Иисусур өөрдэд келв: «Цаһан седклтэ Багш! Мөңкинд бээхин төлө ямаран сэн керг кехмб?»

17. Иисус хэрү өгв: «Яһад чи Намаг цаһан саната гиж нерэднэч? Һанцхн Бурхн цаһан саната, наадкснь тиим биш. Кемр мөңк жирһл авхар бээхлэ, Бурхна закас күцэ.»

18. Тер сурв : « Ямаран?» Иисус хэрү өгв : «Нег негндэн өгсн үг залу гергн хойр бичэ эвдтхэ; Күүнэ эм бичэ тасл; Хулха бичэ ке; Күүнэ тускар худлар бичэ герчл;

19. Эк-эцкэн күндлж тевч; Өөрэн бээсн күүнд бийтөһөн эдл дурта бол»-гиж Иисус келв.

20. Тер күн Иисусд келв: «Тана келсиг би бичкнэсн авн күцэдүв. Дэкэд нанд юн дуту болжана?»

21. Иисус хэрү өгв: «Кемр цуг закасиг күцэдг болад йоста сэн күн болхар бээхлэ, йовад бээсн өлг-эдэн хулдад, мөңгинь угатьнрт өгчк. Тиигхлэ Тенгрт зөөртэ болхч, тегэд ирэд Намаг дах».

22. Тер күн тиим үг соңсчкад, һундад йовж одв, яһад гихлэ эн йир байн күн бээж.

23. Иисус сурһульчнртан келв: «Лавта үн таднд келжэнэв: байн күүнд Бурхна Тенгрин орн-нутгт орхд күнд».

24. Дэкэд таднд келжэнэв : « Байн күн БурхнаТенгрин орн-нутгт ортл темэн амрар зүүнэ сүвэр орж чадх.»

25. Энүг соңсчкад , Терүнэ сурһульчнр йир икэр алң болад келцхэв: « Тиигхлэ кен эмэн аврж чадх ?»

26. Иисус терүнүр хэлэчкэд келв: « Өмтн энүг кеж чадшго, зуг Бурхн ю болвчн күцэж чадна.»

27. Тиигхлэ Пётр Терүнд келв: «Мадн бээсэн үлдөһэд, Таниг дахад йовлавидн.

маднд юн болх?»

28. Иисус теднд хэрү өгв: «Үнэр таднд келжэнэв, Күмни Көвүн эврэннь туурмжин ширэд суусн цагт, тадн Намаг дахсн сурһульчнр арвн хойр хаана ширэ деер сууһад, Израилин арвн хойр үйд зарһ кехт.»

29. Кен герэн, ахнр-дүүнрэн, эк-эцкэн, гергэн, үрдүдэн, төрсн һазран Мини төлө үлдэхлэ, тиим күн зун холван өнчэн авх, мөңк жирһл эдлх.

30. Түрүңкнь болснь сүүлнкнь болх. Сүүлнкнь - түрүңкнь болх.